

叢書集成續編

第 109 冊

集部

上海書店



第一〇九冊目錄

集部

別集類

畏齋集六卷	元·程端禮撰	(四明)	一
寓庵集八卷	元·李庭撰	(藕香)	八七
靜軒集五卷附錄一卷	元·閻復撰	(藕香)	一三五
貞居先生詩集七卷補遺二卷附錄二卷	元·張雨撰	(武林往)	一六七
貞一齋雜著一卷詩稿一卷	元·朱思本撰	(適園)	三〇七
菊潭集四卷	元·李魯拙撰	(藕香)	三五五
弁山小隱吟錄二卷	元·黃玠撰	(四明)	三八三
積齋集五卷	元·程端學撰	(四明)	四三三
梅道人遺墨一卷	元·吳鎮撰	(嘯園)	四八五
所安遺集一卷	元·陳泰撰	(涵芬)	五〇三

四庫全書提要

畏齋集六卷

元程端禮撰端禮有讀書分年日程已著錄其詩文名畏齋集見於黃潛所作墓誌而不著卷數諸家書目亦多不載故世久無傳惟散見永樂大典中者尙得詩文百餘篇謹依類編次釐爲六卷其學以朱子爲宗故作孫叔會詩集序云詩至七言而衰律而壞詞而絕自朱子出而古詩遺意復見蓋朱子之學不在乎詩故其作有自然之妙諷詠勸懲之實又送牟景陽序云蜀文再

畏齋集 提要

一四明叢書
約園刊本

變於魏了翁了翁學程朱學故未嘗有意爲文人之文而文特妙其全集宗旨不出於是夫朱子爲講學之宗誠無異議至於文章一道則源流正變其說甚長必以晦庵一集律天下萬世而詩如李杜文如韓歐均斥之以衰且壞此一家之私言非千古之通論也然所作尙皆明白淳實不飢於正而其持論亦足以矯淫哇豔冶之弊於文章尙不爲無功故糾其膠固之失而仍哀輯其佚篇備一格焉

序

吾鄉自楊袁舒沈四大儒出而象山之學傳東發果齋二大儒出而朱子之學又傳畏齋程先生得果齋之傳而私淑朱子者也先生之送阮照磨序也既詳述其淵源而送牟景陽序又云未嘗高談性命而略事功未嘗有意爲文人之文而文特妙此尤先生之自道者也究觀數千年治道得失士大夫行己大節不惟深惜介甫且以歐陽公之濮議蘇公之南北郊司馬公之役法謂爲擇善未精固執以自誤者更謂後世君子恥言理財

畏齋集 序

四明叢書
約園刊本

而民益困苟祿之徒知進而不知退嗚呼大居敬而貴窮理先生有焉豈尋常談道之士哉夫讀書萬卷臨事袖手儒固爲世詎病蒲酒可翼延年服不終日欲希韓終又將爲座客笑矣先生才高官小終身文學掾理義在得所養青衫白髮西楚東吳自樂簞瓢浮雲萬事故其詩文不矜刻楮之智而有自然之妙蓋其學之所至者然也又豈獨有功文字哉集六卷爲清四庫鈔本也罕見余既付梓因論述之以見先生之爲人民國二十一年七月後學張壽鏞序

鄞縣志本傳

程端禮字敬叔元史韓性附傳號畏齋宋元先世自鄞陽徙家

於鄞○案歐陽元撰程端學墓志遷鄞之孫仕唐為文林郎衛率府參軍杜工部有詩送程率府歸四明

是也○案歐陽元撰程端學墓志遷鄞之孫仕唐為文林郎衛率府參軍杜工部有詩送程率府歸四明

黃潛撰父立年十八為鄉貢生元初當道累薦入仕不

就○歐陽元撰程端學墓志端禮幼穎悟純篤十五歲能記誦六經

曉析大義慶元自宋季皆尊尚陸九淵氏之學而朱子

學不行於慶元端禮獨從史蒙卿遊以傳朱氏明體達

用之指元史○案黃潛進學工程跋敬叔之傳本於考亭門人晏氏蓋史景正師陽岳岳師晏淵淵師

畏齋集傳

約圖刊本

朱子初用舉者為廣德之建平池之建德兩縣教諭在

建平與舉廢墜諸生之貧者必周給之縣尹王起宗率

僚吏聽其論說且築室赤巖上命子楚鰲受學楚鰲後

出入臺閣為時名人在建德增學舍以居其徒盡復民

所占田其始至也有田三百畝比受代而去有田一千

畝復歷信之稼軒建康之江東兩書院山長稼軒前賢

遺迹多為人所據悉按其籍奪而歸之江東新昇院額

臺府令有司選辟端禮以闡教事學者翕然知所宗仰

文宗在潛邸遣近侍子弟來學賜以金幣牢醴禮遇甚

至累考授鉛山州教諭新其廟學豪家築屋侵入切牆

久莫能正白於部使者命毀其屋乃懼請以腴田二十

畝易之鵝湖書院旁有道觀端禮偶至其處有驢跑地

驅去復來默卜而發之得石碣十餘刻羣賢像因為作

羣賢堂秩滿以將仕郎台州路教授致仕歸後郡守王

元恭踵門禮請為學者師○案李好文鄉飲酒禮記至正二年正月王元恭守郡行

鄉飲酒禮屬端禮與葉恆鄭覺民等攷訂肄帥闕及旁

業悉依朱子為定行於郡庠觀者莫不興起○案李好文

郡請行鄉飲酒禮皆俟端禮討論而後定○案李好文

畏齋集傳

約圖刊本

以助仕族儒流婚喪之不給自端禮為之督視貧者始

實受其惠嘗謂門弟子曰學問之道具在聖經賢傳真

知實踐則在乎人至正五年六月病劇進藥卻之目已

瞑頭微偏門人樂良進曰先生頭容稍偏矣復張目端

坐而逝年七十五墓志端禮以文學行誼高一時黃潛進學工程

色莊而氣夷善誘學者使之日改月化素有志於當

世仕不大顯故平生蘊蓄未克究於設施而私淑朱子

不為無功於名教行省數聘校文鄉闈端禮以為國朝

設科初意專取朱子貢舉私議今多違之吾往且不合

力辭不起其源流本末可概見也墓志所作文章皆明白
 純實不飢於正四庫提要著有讀書日程○案墓志作進學
 程嘉靖志作進學規程浙江采集書錄作國子監以頒示郡邑校官為
 讀書分年日程互有異同
 學者式元史

畏齋集

三 四明叢書
 約圖刊本

畏齋集目錄

卷一

五言古詩

七言古詩

卷二

五言律詩

五言排律

七言律詩

五言絕句

畏齋集
 目錄

六言絕句

七言絕句

卷三

序

卷四

序

卷五

記

碑

四明叢書
 約圖刊本

卷六

跋

說

箴

銘

行狀

墓誌銘

祭文

畏齋集 目錄

一四明叢書
約圖刊本

畏齋集卷一

元鄞縣程端禮敬叔撰

五言古詩

古意

東林有棲鳥中夜棲復起
磔磔繞樹飛悲鳴不能已
羈孤寡傳匹枝寒不可止
幽人發寤歎起步東軒址
大鵬飛南溟搏風九萬里
斥鴳無所適翱翔蓬蒿裏
爲大既云樂小者亦自喜
爾於眾鳥中棲棲迺如此

畏齋集 卷一

一四明叢書
約圖刊本

南山有佳木枝葉何蕤蕤
客問此何木云是杞與梓
問種此何爲棟梁專所擬
問種幾何時百年殆不止
客子歎以愀吾諒豈及此
春種秋已穫口腹且不理
人生不可期百年詎能俟

儀鳳何濟濟棲息在梧竹
置之雞鶩羣肯與同飲啄
所性自不同匪因事乖激
從茲鳴高岡銜圖集帝側

次史耕野借書韻

掩關臥空齋寡德嗟無鄰
坐令日月易見茲夏木新
俯仰閱今古孰能返其淳
有疑未云祛就正之所親
譬車適千里曠焉迷路津
聞君忽叩門起迎正冠巾
議論一

超越諒非今世人遺我金玉章把玩良足珍言欲假詩
書討論意彌勤爲君出所藏不辭篋篋貧儻足爲君益
敢厭來往頻

雪野齋

混沌昔云判高下散眾殊山川互阻深道路饒崎嶇
六若有意補塞歸模糊誰知甚險艱行客多迷塗何如
萬原野坦坦皆康衢常時人素履此日心亦平平平展
天鏡蕩蕩開玉壺招遙踏廣寒汗漫遊青虛元翁心地
明直與此鏡俱融作一片玉皓皓歸太初

畏齋集

卷一
二四明叢書
約圖刊本

酬張荷屋惠酒之作

春風被草木華色一以妍散策登崇嶽泛舟遡晴川悠
悠憺忘歸孤嘯激雲天嗟無同懷侶俾我心悵悵美人
在山阿貞操松柏堅攝衣往叩門一見情依然壺觴遠
見贈侑以金玉篇酒昭意不薄詩敘別經年惜哉不可
留整旃吾言旋短章聊爲報中懷詎能宣

送人遊越

會稽揚州鎮名實著典籍禹昔巡九土於焉會羣辟澄
湖三百里寒光湛空碧郊關連崇山噴舫類天劃古來

磊落士多此託棲息王謝有子孫風流猶未革欲遊無
方舟魂夢勞宿昔今君挂江帆逕逕詣幽蹟上探神禹
穴下訪王謝迹茲特江南奇氣象猶迫迨更爲嵩華遊
馳車陵谷客嗟我足如絀坐使歲月易

寄內

去年汝歸時汝父扶汝輿今年汝歸時哭父攀靈輿豈
期一年別罹此憂患俱人生不可保甚矣夢幻如汝哭
固有感汝行良可吁汝有堂上母亦復雪滿顙旣無門
楣喜生汝將何如按如字重押幸汝有佳弟可樹先人廬汝

畏齋集

卷一
三
四明叢書
約圖刊本

弟昔在雛今皆父而孺豈不念老母爲奉千金軀天寒
山日短雨雪滂在途作詩爲寄汝慎勿笑我迂詩成落
清淚梅月來庭除

呈信州路宣差

聖代仁配天生賢亦忠厚公任承宣寄一麾此出守巍
巍靈山高千里祥雲覆澤物寂無言但見禾黍茂云云
王溪水流長深且濶魚不識數罟自樂免驚透公政亦
如此實德民父母小民雖蚩蚩口碑心亦饒行看入秉
鈞八荒納人壽賤子生四明才疏學九陋稼軒守藏書

豈憚遠奔走久懷仰德心未得遂良覲再進書戟前不
覺成宿留

病起有懷吳德堅時教授鄰鄉不歸二詩寄之

抱琴適南澗澗水流澦澦上有修竹林天風韻冷然我
欲寫其聲竟日不能絃野老渡澗來牽牛飲我前自云
作勞苦竟藉草石眠問我此何爲聒聒不暫捐鍾期無
復生伯牙空自憐此人聽以耳誰能聽以天君不如二
子不如抱琴還再拜謝野老歸哉樂忘年

日日倚高樓遙望西溪山山深草樹長煙雲何縣蠻中

長齋集 卷一

四 四明叢書
約園刊本

有千歲松修柯出雲間鳳凰翔其巔好鳥鳴喧喧仙人
紫霞裙招我碧玉環浩歌激林谷玉貌安且閒問之不
我言無乃吳彩鸞褰裳欲從之山險道路艱默坐自歎
息歲晏彫朱顏

桐廬舟中奉寄宋推官仲翔兼柬余知事伯貞

換舟桐廬驛寒雨泝清曉微茫煙雨來眩轉沙洲繞危
臺依石壁釣者跡已杳念我平生歡語斷意未了方提
文章印遠隔霄漢表前日過通山穿梅度林篠壁間見
妙墨筆勢蛇蛟矯高詞接黃九幽夢到蘇小邇來定多

事無復親魚鳥空餘折獄心攻苦如食蓼樓臺闕城邑
欲往路深渺爲語幕中賢相將遊鳳沼

用韓退之出宰山水縣之句爲韻賦五首呈東巖

王明府

巍巍東魯山巖嶠何岑崟豈徒興雲雨生賢爲時出粵
自產尼聖秀氣久蟠鬱後有石與孫正學相紹述雖云
位未充奸邪困揮叱聖經別蕪穢冥晦揭日月茲氣今
在公已久著名實貞操百鍊剛況復輔經術民親澤易
及志行身豈屈爲公崇德業吼與茲山匹

長齋集 卷一

五 四明叢書
約園刊本

諺云六十年茲邑得賢宰前宰子施子爲政實樂豈事
有利田里嗜若喉脯醢于時值歲荒老稚恃無餒境內
盜莫侵畏罰當刑罪遺愛在人心歷歲久逾在公來適
庚子慰此小民待渠渠護良善有若值蘭茝除惡絕本
根豈復顧怨愁茲心實昭明皎皎冰雪皚前施後有公
名聲兩崑崙所恨事掣肘每使公心痾公處施子時未
必功不倍彈琴不下堂戴星不得怠爲勢有難易才豈
云弗逮所同在邑治如水畢赴海他時繼者誰諺語當
不改

凱之宰山陰山陰萬山環邑事號繁劇治者稱獨艱凱之御以約簾垂清晝閒邑事既云理復得玩羣山建平事豈簡公能息器頑南山極雄秀大巖聳雲發驅馬詣幽宵杖履窮躋攀掇此山上茶舉杯酌潺湲能賦復能畫日落猶忘還風煙遭撫摭披豁呈天慳豈讓顧虎頭三絕專人閒

郎水出桐汭西流百餘里臨流構新亭公日觀此水公呼父老言茲可喻政理風恬水鏡淨清澈湛無滓明可燭猿眉一一見涯涘汲者纓可濯濟者舟可藏積雨混

長齋集 卷一

六 四明叢書 約園刊本

濁流橫溢若奔駛牛馬暗莫睹蛟鰐森利齒豈徒濟者危隄障將圯毀父老再拜言公念幸及此此水濁日多清日苦無幾流清難自全濁者日瀾瀾公來水既清公去復前似公有一寸膠慎勿寶諸已當往治河源餘波俾霑被公謝父老言吾敢忘以止悟彼滄浪歌冲尼識孺子

賤子家浙東承晤此山縣無術裨道化空忝文學掾人生恨無位有志不得薦矧茲萬家邑公實施溺援素抱匡濟才小試詎云倦馭吏若束薪曾不得輾轉鯨鯢牙

角利赤手欲拔刺于公任獄吏子孫尚昌衍所積公已多百福報所先世儒漫讀書謬云破萬卷臨事輒袖手瞻若正牆面遂使真儒效曠世不常見作詩激庸懦匪同事誇衒

同知鄭公禱雨得雨禱晴得晴

鄭侯守建業惟飲建業水飢羸苦未蘇夙夜勤政理秉德哲而肅所格無遠邇秋旱禱鍾山回車雨隨至雨多侯復禱即日爲開霽遂成大有年萬家高露積實德爲侯心心動應茲氣無心鍾山雲敷斂惟侯意鍾山且無

長齋集 卷一

七 四明叢書 約園刊本

功社鬼何所致

送周德可錄廣德學

我別三峰來復得靈山秀君拋靈山去三峰將爾觀靜示萬古清仁體而效壽寸雲雨千里百穀膏以茂學山我未能倚席成宿留君學究體用矧出元公胃講道三峰下三峰列窗牖教雨媿三峰千里養善誘

莒蒲

鱗鱗莒蒲根蜿蜿類虬龍兒童競採掇泛此新酒濃共言飲此酒可冀延年功座客笑而言求效何恩恩服此

不終日乃欲希韓終我謂客勿言萬事莫不同用力未
期月謂道真難窮遂使羣聖言竟爲紙上空世無子董
子孰爲開愚蒙客但當飲酒何庸賈兒童

題有之得潘季通畫寄墨梅卷後

故人在天末相思江梅發攀條還持贈貞心庶云託猶
恐歲寒姿亦復有零落寫此歸囊楮用慰遙相憶勿云
粉墨假百年不改色

庚午四月一日小飲光霽子實仲容有作次韻

春曉欣雨集復惜年光流園林入深宵風日尚妍柔繁

長齋集 卷一

八四明叢書
約圖刊本

華變清樾棲逕餘香留戢戢階下筍直節見萌勾而我
得佳友攜手此尋幽華構旣空曠崇牖亦遭周瓶罌混
清濁雉膏續暇脩思與晴雲飛論若獨爾抽嘉樹影自
移好鳥聲相酬人事諒多感天遊本非謀未易輕虞卿
著書守窮愁

題家鉉翁詩卷

家侯北庭彥令聞如圭璋學海究源委宦途起翺翔集
烏賈朱博埋輪佐張綱疾惡惟務去視民乃如傷飢羸
困水旱咨詢極精詳王成難僞戶汲黯先開倉實惠旣

下霜英聲宜遠揚簡書暫風憲劍佩超明光食棨善自
愛寶此百鍊剛

題菊逸手卷

英英江梅芳粲粲離菊鮮梅清未爲逸風占花信先雖
避桃李俗後爲棟所牽季秋百卉歇霜下菊芳妍貞姿
傲歲晚獨以節自全所以陶處士愛之見詩篇八表同
昏時醉石供高眠飢剝道濟米不書義熙年逸氣振古
稀人花無間然誰與散人裔菊逸扁其軒

送孟後村赴臨海任

長齋集 卷一

九四明叢書
約圖刊本

嘗聞興公賦永懷天台勝故人美無度官協遊山興桃
花迦溪源杖藜躡雲蹤相期何處好石橋共清凭

讀程雲心文集

長夜耿無寐起讀程子編涼飈入庭竹一笑當我前清
角致風雨此語非虛傳鯨魚與翡翠未用分雌妍咸池
張洞庭蕩默本自然聽者得其外懼怠惑遽遷感歎在
一牀月落西南天

己卯長至前二日同景陽侯遊鷺湖次呂海月韻

二首

驚峰高入雲上下異晴雨嘉樹鬱千章六月不知暑
堂紫陽翁講道此容與斯文統有宗異論廓賢宇遂增
茲山高巍巍亘終古襄糧訪遺跡豈爲尋佳塢

茲來遊招提霜葉響風雨藏新碑已漫坐閱幾寒暑南
豐星斗文論正乃不與紫陽講道地教異去吾宇所習
有出入吾道無今古徘徊不能去夕陽下山塢

上巳陪東巖赤山蘭泉修禊分韻

祓禊記佳節浴此蘭泉清芳漬不待掇水止元無聲悟
悅竟忘言一振華裾輕采其孰爲妄至樂無達生

長齋集 卷一

十四明歲時
約園刊本

代上高副使二首

大鵬飛南溟振翮萬里至天馬馭長道燕越一頓轡斥
鷃與鷦鷯側目不敢視我謂爾勿憂爾亦勿自棄天既
與爾足亦傳爾兩翅豈使長棲止終不履尺地二物聽
我言若有矜奮意欲走苦不進欲飛還自墜願假東南
風秣以玉山穗

解谷有奇竹生彼深林幽伶倫遠見取遂中律呂求劍
埋豐城土桐爲琴人收有聲響人耳有光千斗牛世謂
雷蔡賢已非伶倫儔韞櫜終老死銜鬻遍九州白壁回

不乏燕石價亦酬所以卞和氏不辭刖足憂

黨氏貞節詩

松柏當盛夏蔚蔚淪等夷霜雪摧抑餘挺然表奇姿婦
人主中饋無非亦無儀溫柔實其德父母戒無違吁嗟
貞節名不幸乃見之黨氏嫁七年夫死少艾時生兒在
襁褓呱呱且啼飢當年雇閔凶晚節時能知立志一以
定世故寧或隨期願見豐腆曾玄列斑衣誰謂不幸中
報效如著龜聲譽溢閭閻餘風淑澆漓奇言後來者悠
久以爲期

長齋集 卷一

十二四明叢書
約園刊本

送劉公佐御史任西臺都事

偉哉造物心生賢端爲國欲知國家盛臣輔視其德憲
憲子劉子器大寶天得昔年輟道山持憲出南紀柔剛
迭用中德威真畏喜誠爲器之鐵春得明道體古人久
不作此道已如洗我生苦恨晚猶喜及見此安得如公
百參錯俾視履

至正癸未春紹興總管兼善達公以禮幣招行鄉

飲回至七里灘舟中同陳君玉叔載鄭以道孫
子材姪季武王敬中取山谷詩一江明月趁漁

船之句爲韻得一字

禮成發會稽主送賓筵秩雪晴宿雨收諸峰春筍出舟
下七里離帆張如箭疾圓月正高懸極目天水一柔橈
和欸乃潯練破蕩涵真同泛剡情不羨乘槎術共載得
才彥劇談夜連日史冊三千年毫釐窮得失飲江酌北
斗浩氣逾舉攄茲遊不可忘後會那能必

題越費氏飛流亭

久愛越山勝晨喜春雪晴行訪香爐峰得憩飛流亭始
知危石煉不補銀河傾長夏炎暑卻終古風來驚高源

長齋集 卷一

士二四明叢書
約園刊本

東岩險奇觀類天成賦詠闢雄辭窮搜雕元精水下比
性善孟氏論已明志士達忠孝處難節乃名不見鏡湖
水萬頃平無聲

利劍一首贈人

利劍出寶匣耿耿耀冰雪持入衛九重一指妖氛豁坐
令海宇內奸邪不敢發願君勿小用鋒鏑亦易折

題直齋陳氏詩卷

鈞弦眾所識無庸事窮樵吾黨子證父微生鄰乞醯聖
或有不許始得窺端倪中山陳氏子齋扁以直題君看

岡上杉挺接青雲齊蔓草施中野屈曲叢終低惟人生
本直不直逐物迷今愚詐狡訐異若穀與稊儻非敬義
立詎免趨傍蹊

送婁所性赴鄉試

退之昔未遇光範書三上明復早爲貧睢陽幾來往天
固使不售學術要開廣婁君識既高理義得所養眞腴
在方冊大烹乃獨享春秋發其微一一如指掌文章爛
五緯色正奪萬象連歲滯金淵疊洗滌益益畜極今乃
通餘子何能做

長齋集 卷一

士三
四明叢書
約園刊本

壬戌二月二十九日與王良夫伯仲飲酒梨花之

下約次山谷韻各賦一首

世人品梨花爲說何拘拘謂脫桃李繁未比寒梅疏豈
知幻雪夜夜見蠅頭書室虛白逾生不厭相與娛朝遊
姑射巔夕宴瑤池墟肌輕旣飄飄襟清亦舒舒白石以
爲糧玉芝以爲蔬高照倒影燭滿斟上池壺坐有王方
平獨識我爲徒

送程仲章

得體期大用薦不辱吾筆濟美世有人憲府流聲實書

馳中臺辟傳乘入門驛聖世開太和治純用儒術賢路
久已開禮羅亦云密才難自昔然拔十期得一君學明
體用禮法嚴自律願言尊所聞使不虛此出會見真儒
效果杲如皦日

送吳景賢

憶我初識君邂逅錢塘樓文妍六橋水氣凌兩峰秋平
生易賈董不數枚與鄒別去十餘年掾吏來昇州執戟
滯揚子蕭生抱關留但聞百事理不見有悔尤玉雪不
磷淄塵外自浮游果充崇臺貢千一乃爲收清高贊憲

長齋集

十四 四明叢書

約園刊本

府濟物心乃酬苗秀審芟殖冤洗澤乃流酌泉本素履
名節光前修他年早拂衣相期釣滄洲

送魯子亨

魯君宦武昌舟發建鄴時朋友並集送所贈惟苦辭謂
當戒食魚飲水操勿移伐木道久缺我幸今見茲君爲
時所賢徵辟始交馳名實久已昭義利分毫釐飲水云
不貪世不皆隱之嗜魚云不廉胡乃有公儀何擇水與
魚但問宜不宜君家魚頭公市飲不自欺當年在政府
骨鯁生益知第用君家法我言何能裨慨釜試烹魚定

知不磷淄

送戴與善

客有戴與善家世今移居讀書不求官富貫浮雲如愛
山事遠遊衡岳至匡廬會稽探禹穴著論準潛夫平生
景純術異人授異書擇地必與善葬法爲世樞地善子
生善始悟胎教疏食我既生後聖子詎移愚天命性既
善地善配有餘使我此術行善人滿八區今年來鉛山
爲我言渠渠子行會有遇去去無停車

贈孫友仁二首

長齋集

十五 四明叢書

約園刊本

舟發甬水東遙望青山岑白雲旣杳靄佳本亦蕭森下
有寒棲士絃絃鳴清琴調古知音稀自聽還自吟饑食
北山薇渴飲寒潭深持此永終日世塵詎能侵願言往
從之庶以慰我心

孫子隱泰山程子洛水涯山水得二子草木生華滋山
水無終絕二子名永垂斯人雖已遠踵武可尋追我學
苦蕪廢君操我所奇君居青山麓我居南水湄無令千
載後泯沒無聞知

用韋蘇州韻送酒問彥實病

風竹掃三徑終日無來客我友隔南浦無錢供藥石聊
寄一尊酒慰此風雨夕何日能過門尋苔生履迹

范得甫往昌國因寄馬雲北

日日鄞江流赴海無時息我友滄海去遠訪安期迹東
望久延佇煙波渺無極憑君一問訊早挂歸船席

送陳錄事

今代錄事官乃與令長同別有會府歷更臨宣司崇兩
造互請托黑白翻覆中常思掣其肘聽斷難爲工耐軒
太丘後民瘼實所憫平易以近民下情悉上通不求赫

長齋集 卷一

六十四明叢書
約園刊本

赫名保障以爲功驚雷易失七我心益從容所以豈弟
政三年全始終耄倪遠走送遺愛思無窮

代諸生壽王豈巖七首

春月勝秋月三五初端正羣芳正含滋春陽尚冲靜人
生粟茲氣清淨以爲性豈但富文史胸襟如玉瑩長松
從澗底考槃發歌詠且盡一觴酒好月還如鏡

晨興望鍾山層巒鬱深秀色留萬古青其體仁以壽寸
雲雨千里禾黍膏以茂下有高隱士絃歌在巖竇學山
期至山豈必雲出岫舉觴且勿辭鍾山以爲壽

蘇子鐵拄杖以壽張樂全倚杖撫銅盆謂與同清堅鐵
杖豈爲壽銷蝕同飛煙壽公無一物多祝亦空言公心
在精舍不息如流川斯文天所相公壽無窮年

安石恐不免淵明恨枯槁貧賤固難居富貴亦何好所
以賢達士委命不離道諡公富學殖深藏以爲寶退得
資素封進無危機惱堂上奉兼珍客至尊爲倒教子無
他事絃誦夜連曉觴舉勿復辭樂事如公少

猗猗堂前竹挺挺萬夫特直節干雲霄清氣冰雪積虛
心類謙受歲寒不改色此君一何茂一一公所植堂上

長齋集 卷一

六十四明叢書
約園刊本

媚學子茲誦朝連夕切磋咏淇澳君子會林立公心在
精舍見竹如公觀持酒起爲壽何以酬盛德

出門觀秦淮巨浸流洋洋盈盈晴空月墮此清夜光月
遲自沈璧水駛拖練長並行不相悖道體一以彰門內
齋居子習靜萬慮忘持此爲公壽中有長生方

粵從晉魏來嘉節高重九愛此日月應世謂宜長久初
度迫茲辰上壽宜公有今年兩九月九九分前後此名
嘉復嘉瑞應端非偶去年八十一九九公已受今年八
十二後九方爲首備福無不宜儘可笑開口今年兩開

筵痛飲黃花酒壽百六十二養老詢黃耆

七言古詩

長歌行

大族族漢書作族之瑄初飛灰春氣早已回蘭梅主人召客

延鄒枚夜禾燭光熹炎食瑤觴屢舉傾金罍主人盛年
絕外猜幸與公鄰熟往來我性迂俗眾所哈公獨顧我
青眼開我不祝公壽考給我我不祝公家案萬金位三台
願公祖德厚白培君不見王氏庭前符三槐

題臨川李教授盤居圖

長齋集 卷一

六十四明叢書
約園刊本

出山小草且勿論志回白日窮追奔燃犀徒興牛渚怪
投膠不救黃河渾盤谷自謀固得宜難則可許仁未知
盤居先生顏是希盤桓居貞以隨時必宮盤中亦非已
抱關擊柝皆可爲君不見江南丞相久無宅安上門監
亦有祠金陵清涼寺尙存介甫遺像

秋日與客遊宋丞相墓

秋風著人已凄緊南山當戶轉孤聳胡爲幽憂坐自纏
一上前坂望岡壘岡壘委蛇斷復連累累荒塚歷其巔
問言昔日卿與相祇今泯滅隨寒煙賈文譽已斷山石

意欲功名示無極翻令後人得指數好醜毫釐不相匿
可憐役役死聲利得尙如茲失無議古人志業元有在
丈夫所歎非憔悴

勸酒

舉酒勸君君勿辭一年春好惟茲時風日暄暖啼黃鸝
澄空紺碧飛遊絲綠楊萬縷垂水湄小桃破萼嬌晴姿
今日何日風物奇花朝止有三日遲客愁頓釋如冰斷
況有佳賓酒盈卮堂上主人文章師筆下縱橫蟠蛟螭
胸中磊落載書詩年強學富仕則宜我生同里隔城埤

長齋集 卷一

六十四明叢書
約園刊本

東吳學校聯講帷在鄉已獲繼蕭規復來郎邑分臬比
人生出處神所司千里會合非人爲夷吾鮑叔心相知
交情歲晚無磷淄禮長十年兄事之在我豈止肩當隨
君顏美好我反衰自鏡醜惡知蒙俱君已有子紹裘箕
我如鳩拙巢無枝譬彼平坂天馬馳跛鼃欲與爭毫釐
上天生人意有期但貴樹植勿自隳孤矢昔已射四陲
豈得懷土生愁噫郎山在眼水清漪魚有鰕鰕果聚梨
勸君飲酒君勿辭坐上白日西南移

司性之來郎邑勸酒一首

君來溪柳未藏鴉君去開遍溪頭花一尊未盡相逢喜
春色拋人去如此錢塘見君今年豈知爲客俱桐川
我生緣無谷口田君亦未有買山錢世間萬事戒多取
只此造物猶未許溪柳溪花尙惱人酒杯到手休言頻
送趙子采赴都言各路立帝師堯舜廟

趙侯嘔歌嗜駭俗開卷不作豎儒讀治道上下三千年
得失照卜如龜燭太息者六笑賈傳八事爲律輕主父
每言論事在正本餘似牛毛何足數堯舜帝師萬事賴
孔孟稱述何能外子孫世昧不可封祀絕不祠事爲大

長齋集 卷一

二十四明叢書
約園刊本

宜令禮官郡立祠俾知報本有所思人臣致君必堯舜
勲業未至非皋夔使民必爲堯舜民其知孝悌徐行推
刑措德洽俗自厚鳳凰覽德將來儀我言似迂眾所嗤
欲正人心茲其基注祠廟塔遍天下大功大德祭乃應
氓之蚩蚩詔非鬼性善誑惑無由知皇元治具已畢張
惟此未舉寧非虧泰定聖神方御極六甲肇子開昌期
詔下四海求直言我今走陳無庸遲此行我言會有合
坐令萬世長雍熙坐令萬世長雍熙我歸耕鑿老不辭
今候去去惟其時且倒玉瓶鄧江湄

送鄭有常學錄歸括蒼

釋之因宦減仲產叔敦相齊子負薪今人讀書賤此道
得官廼欲醫賤貧賤貧有命何可醫徒令內熱守自累
鄭君三年錄昇校不辭俸薄兼官卑谷口爲鄉無不可
亦復好客如當時侵疆必歸書必刻學政所知無不爲
一杯輒歌寫清琴金石殷殷留林池有子讀書夜連曉
從我問學窮毫釐不爲乃翁坐此困但知固守爲裘箕
自君高曾擢科第宦學雖顯生事微君家訓飭用何法
子孫能爾承前微白下衣冠送將歸使我停杯有所思

長齋集 卷一

二十四明叢書
約園刊本

我分葦茶甘如飴願言千里同襟期

送李壽父赴崇德州提控案牘

雪消新晴春水借舟發秦淮健如馬平生知己盡清流
出郭送君空白下君家兄弟真無比不數當年有三李
元方治行今第一過家上塚暫歸里肯令難弟離侍傍
活人要出囊中方秋風不復動歸思得官正在鱸魚鄉
陪王明府禱雨鎮山同諸友訪王氏隱居

羲和行日當午停旱雲不雨空鞭霆扇搖無風腕欲脫
六合爲窟難逃形偶到君家非有意忽得水竹涵清冷